

2019

AO

Total marks : 90

Time : 3 hours

General instructions:

i) *Approximately 15 minutes is allotted to read the question paper and revise the answers.*

ii) *The question paper consists of 22 questions. All questions are compulsory.*

iii) *Marks are indicated against each question.*

iv) *Internal choice has been provided in some questions.*

N.B: *Check that all pages of the question paper is complete as indicated on the top left side.*

SECTION –A (Züngang aser langzüang)

1. Agüja aliba olenji junga züngang aser tasüngdangbatemji langzüang:

Lijabai sobutsü tajung sobutsür rongnung Juju ozü ya ka liasü. La tamasabo kanga dang temsüa chubar kidang kilir inyaka aru. Saka la dak chidiyungti aketba ajanga chubar kidang chiyungtsü peria ngua liaka, lai medemer aika ket nungi chiyungtsü apua achi. Chiyungtsü apudena chitsür sentsühji tanaben meyipa moteti sentsühtsür aküm. Joko sentsüh motetbayong taputsürtemi la apuh aser ajaki mela melaa sentsühtsür ozü ta ajittdaktsütsü mimung nung temang ajunga meroksatsü. Lai, pei soro raksaja merenshibaji temulung nung masem jashia ali. Soro raksabaji wadang nung ajaki tetlateshia menütsütsü tsübu. Aser taak agi telok nung komaang mesenzüi aküm. La temang nung tezüng tasen adoka, kenübo soroji akhi ama tobur junga kümdisü ta bilema, telok nungi jena or tangari mangudak min aser süngzürong nung atsükok. Saka tezüngji tasen madok terongpetji pei sobutsü aküm. Joko la mulung tejashi agi sünger shisa tatem nung pei sasa suseta asütsü bilema tekongji atsülanger süngzü tekirak aser korangkoso süng ajak nung tekongji tendaka senzü. Saka la sasa asütsü tasaji mangu, tekong atsülanger angudanga senzüsenbongjiang pei yimya aküm. Lai tanaben telok dangi meyipa moi min aser süngzürong nung tesepe yanglua techanutem rezüka idakji ali. Telok nungi atsüngzüker pei kisüng azüngmeyak aser mulungzürep agi sünger liyonga aruba mapang ka, konung anüngtsünger ozü Posüi la atema pongmang ka jungtua pongmangtsür saak. Posüi pongmangji la bushia arua ashi. “Na dang tepetzük tia nung liaka, tesülenbo nai anisüngzüker tia ngua alitsüsa ni pongmang ka pongmangtsüogo”. Lai pongmang tajungji angashia kanga pela aser mulungsünep angu. Posüi Juju dang Pongmang ashibaji Owa ozüi lazüka Juju tsüngnepji khien danga metoktsüi la sülen anidakjen anidak. Posüi pongmang tajung pongmangtsür külen mapang

ka nungi ka ta tsüngküm melentepa oaka Jujui tia tajungji mongutet. Owa ozüi ain adoker Posüji atakatem. “Juju timtema lia, kenübo tia tajung ajurutsü ta nai pongmangtetsü. Saka tanü tashi ne pongmang mataloki Juju timtema dang alir. Nai tangar timtema aliba ngua pei ajungyim bushia tiyazü jembirji na tanü nungi meimchiri endokba tsüksü nungang shima chia alitsü.” Posü ya tamasabo chubar kidang mesüa, chubar shidokshira mapa nung inyaker kanga dang teyakyak nübu tajung ka liasü. Ibajagi la dang po shidoker Posü ta aja. Ano iba ozü dang karibo chubar kidang mesüba agi kimesü ta ajar. Saka la pongmang matalokjungti tangar teimla samadaksüba agi tanaben chubar kidangi mao aremi jena ao. La chuba dang atsüker arem nung aliba mapang chiyungtsü chubar kidang anguba ama mesüi tamajungba angu. Iba jagi lai kodangsa kidang chuba maliba metetdir jetta arua ki ojen shidokshiradak indokba chiyungtsü tajungtem shidena achi. Owa ozüji tajung imlaa tangar sülen dang anishiba agi koba nungsa ozü telok tenteter senzüa lidir, idakji iba ozüjia ka mesüra anabo teti densemer senzür. Posü pongmang majungbaji meimchiria meteta posü shi achi nung pongmang memezüngtsü ta tsübuoka bilemer achitsü ashipang.

Tasüngdangbatem:

- | | | |
|-----|---|--------------|
| (a) | Kodasür Juju ozü sentsühtsür aküm? | 1 |
| (b) | Taputsürtemi la dak kechi inyak? | 1 |
| (c) | Kechi teimla nung juju kong atsükok? | 1 |
| (d) | La atema shibai pongmang pongmang? | 1 |
| (e) | Pongmangji kechi liasü? | 1 |
| (f) | Owa ozü kechiba ain adok aser shiba atakatem? | 1 |
| (g) | Ozü koba kechiba longsoa malir? | 1 |
| (h) | Kechiba meimchiri Posü shi achitsü ashipanger? | 1 |
| (i) | Agüja aliba ojang ratetjang: | 1+1=2 |
| | (i) Teyakyak (ii) Anüngtsünger | |

SECTION –B (Olem)

2. **Ana rongnung ka shimteta ojang 100-150 shi nung langzüang:**

- a. ‘Mica yangkhu amshiba tajangzük aser takoksa’ onük nung otsünu ka züluang.

Mesüra

6

- b. Ner medemer nena tsüngda pei oshi angazüktsü koda tongtibang iba indang sensaksem ka züluang.

3. **Ana rongnungi ka shimteta langzüang:**

- a. **Agüja aliba olen ya lirumedema yanglushiang:**

Takok aser tamakok ajak mezong ternempa da keta lir. Renemtsüba nungji mapang agi shisadangtsü, bilen dangdangba tena lir. Meshisadang mebilem

dangi, kadang tenzükdir, yangji tamakok, teroksa, aiben ajuror. Renemtsüba nungji tsungrem aser nising nungi asadanga aser shisatsü meshia inyak nungdak. Akok, makok, jashitsü, pelatsü, angutsü mangutsü ajakji asen kadang tenzucker yamaji atemtsü.

Mesüra

4

b. Ojang 50 shi nung langzüang:

Na Taliba/Talila. Kohima nung BOC Youth Club secretary Inter-school kenten toktep sentong ka ayongzüker. Yangji tetendanger asütsü nungtugu kenshir ka jaokba shiti ka ojang 50 shi nung züluang.

SECTION – C (Orrlem)

4. Itemi langzüang:

- | | | |
|-----|---|---|
| (a) | Ojisa kechi dang ajar? | 1 |
| (b) | Mapanglem teratet shiang. | 1 |
| (c) | Rasem ratetjang. | 1 |
| (d) | Ayimlok oren ratetjang. | 1 |
| (e) | Imtibai mapa meranga inyak aser taa talang angu. (<i>Iba oren kobala oren nung aden</i>) | 1 |
| (f) | Jara, jara (Temesüktep olasü saka tetezü balala adokdakja oren ka ka yangluang) | 1 |
| (g) | Ni aodang pai mapa to inyaker liasü. (<i>Kechi mapanglem</i>) | 1 |
| (h) | Mapula tesüngjem aiür ka. (<i>Koba Pukhümma nung dena lir</i>) | 1 |
| (i) | Oren jenutepyim teratet shiang. | 1 |
| (j) | E aser i olasüyim nung oren kaka yangluang. | 1 |
| (k) | Memettdaktsütsü (<i>Rasem, ojangra, ralok bendanga sayuang</i>) | 1 |
| (l) | Rasem aser Ralok tabensa keta aliba ojang ka züluang aser rasem, ojangra, ralok terasa penteta sayuang. | 1 |
| (m) | Taoba mapanglem nung oren ka yangluang. | 1 |
| (n) | Otisem teratet shiang. | 1 |
| (o) | Sanenba ramen _____ shiranger. (<i>Pular enoka süngdakjang</i>) | 1 |

5. Itemi Ao oshi nung meyipang:

5

It was an incredibly hot day, and a lion was feeling very hungry. He came out of his den and searched here and there. He could find only a small rabbit. He caught the rabbit with some hesitation. "This rabbit can't fill my stomach" thought the lion. As the lion was about to kill the rabbit, a deer ran that way. The lion became greedy. He thought; "Instead of eating this small rabbit, let me eat the big deer." He let the rabbit go and went after the deer. But the deer had vanished into the forest. The lion now felt sorry for letting the rabbit off.

**SECTION – D (Kaketkeno Zülu)
Otsü**

6. Mokoktoshii Entsülong min nung kechi ozü asaba angashi? 1
7. Naga nunger sobaliba tetezü ratetjang, aser iba tamaitüsü kechisa? 2
8. “Odang meranga tuang, ni mapa ka sayutsü” Iba oren shibai jembi? Yarla mezüng tenüng shiba liasü? 1+1=2
9. Yimden shi achiba tapu kwi lir? Putu shichi nung sentakba awashi ana shiang. 3
10. Yimli tetezü ratetjang. Tanü asung yimdeni inyaksü mapaji kechisa. 1+2=3
11. Amtokamsü tetezü ratetjang. Akhidang tsüraburi tenla agütsüba yimyatem rasaa züluang. 1+3=4
12. a. Naga nunger sobaliba tajungtemji kechisa? Aser itemji koma kümzüka yutettsü tasatem shiang. 2+3=5
- Mesüra**
- b. Tim kibalenbuba kechi dang ajar? Kibong akümba tapu balala pezü indang rasaa züluang. (1+4=5)

Sangro

13. Ongkomet benjung shiri amungba ashir? 1
14. Menen ki tetezü ratetjang. 2
15. Kinü tanur ka dak tobur tajungji kechisa? 2
16. Mayang nung amenertemji shir? Kodasür parnok yangji amentsüsa aküm? 1+2=3
17. “Alalungtet ama züngshi;
Par sosang den jungteptsü dang bilem”
Ya shibai shirnok dang benshiba indang ashir orenji ratetjang. 1+2=3
18. Pentobai ashi, “Nüburü...taküm aliba dang taoba”, ya rateta züluang. 4
19. a. “Lijabai pa nüing metettsü

*Kinü narong arongnaro mejen
Amo 'ser kitsüing zütitsü
Tsüingden yamoka kitsüingya mesü"*

- (i) Ibai kechi sangro aser shibai mejem? **1**
 (ii) Kitsüingya tetezü ratetjang. **2**
 (iii) Agüja aliba orentem rasaa langzüang. **2**

Mesüra

b. *"Kechiyong mopung nung ao
Mamangteti melenshiogo.
Akhi leni maortem to.
Japeli jenti kümogo:*

- (i) Koba sangro nungi, shibai mejem? (1)
 (ii) Kechiba mamangteti melenshi? (1)
 (iii) Tekong jagi kechi shinür tatongi ratetjang. (3)

Yimdangjem

20. Aori alu tasendang lemjem metettsü atema kechi yimya benshi aser aji shirnok nungi angazük? **1+1=2**
21. Jinai Etibenji kechi agi pua, kilitsüri kechi tasa agütsü? Rasaa züluang. **1+2=3**
22. **a.** *"Iba ken nung nai nibo tesüsaang tetshisem" ta süer Etiben dak kanga mejungi azük aser la tasütaküm na tsüingda toktsür Tenyur ki bushia tugu."*
- (i) Kechiba Tenyuri Etiben dak alu nung azük ratetjang. **2**
 (ii) Etiben Tenyuri alu nung tasütaküm züker yutsür külen kechi atalok? **3**

Mesüra

b. *"Avo, ni jionila,*

*Ongjang sera leplingko, zülu zükang;
Süingditzüben Chionila,
Avo temlu melara säür kimong shiangma"*

- (i) Iba ken shibai aten? (1)
 (ii) Tetezü rateta rasaa züluang. (4)
